

广东通志

广东通志

廣東通志卷二百七十六

甲子重刊

列傳九 廣州九

江源

崔延圭

鄺鼎

羅昕

黃皞

子學裘

學準

鶴齡

學矩

延年

黎暹

范勉

余統

何珖

鄧應仁

袁仕鳳

熊季芳

兄孟芳

子一源

一瑛

曾孫九疇

梁魚

吳璉

子允禎

允祿

胡璋

李渭

鄭鴻

姚珩

蘇葵

從子範

鍾勸

胡澧

葉永秀

陳經綸

劉存業

陳希文

王纘

趙壁

余敬

倫文敘

子以諒
以訓

黃著

子啓讓
在裘

孫在衮

鄧炳

鍾華

陳恩

鍾曉

子干

洗光

韓宗堯

黃衷

盧綸

洗文淵

黃璋

劉文瑞

鄭應新

父翼 弟應文
子用淵

陳觀

陳錫

唐澤

鍾紹

以上
明

明

江源字一原番禺人成化元年乙酉發解己丑登
進士仕上饒知縣清理獄訟百姓感服陞戶部主
事晉員外郎郎中清慎自將且有文譽侍講王臣
輩皆推重之僉事江西綜屯田水利燭奸刷弊不
動聲色陞四川兵備副使鎮松潘守將雅敬其學
行夷酋饋獻一無所受居三年邊鄙不擾致仕歸
優游林泉以詩鳴嶺南卒年七十二所著有桂軒

集黃志子字正德二年丁卯舉人番禺志

崔廷圭戴志黃志明番禺志選舉皆作廷圭題名碑及今番禺志作廷圭字國信

番禺人性孝友有才識登成化乙酉鄉薦丙戌進

士郭志誤作嘉靖丙戌授行人奉命勞西陲三邊將士擢南

京江西道監察御史疏通河道便利漕運郭志上疏

請立東宮條陳四事六事上悉嘉納賜織金獬豸

表裏榮之番禺志尋遷廣右按察僉憲征撫荔浦諸

縣猺蠻谿峒向化詔加副使俸滿再任卒番禺志云卒於

韶陽涖官二十載囊無餘蓄有集十卷行於世郭志

鄺鼎字器之南海人幼有志讀書寒暑不輟成化

乙酉中式鄉試丙戌中乙榜入太學肄業每聲稱

籍甚時大宗伯白學士尹進士孫五美皆樂與交
遣其子受易于門卒業國學二十餘年爲詩文洒
然有自得之趣族有大岑沙祭田一區破憲使陳
某所占厯訴當道而直之至今族人祀之于祠兩
廣都御史韓雍爲建坊于鄉以旌其賢

男大記

羅昕字公旦番禺人幼業春秋廣士多習他經共
非笑之昕獨力學不倦潮莞諸名家與語皆自以
爲不及成化元年乙酉舉鄉薦第四人嘗著春秋
撫要及綱頌後登甲辰進士宏治間累遷貴州按
察僉事方正老練見稱于時尋陞廣西副使邊人
思之不置

黃志

黃皞字時雍南海人成化元年乙酉鄉進士讀書太學幾二十年明習典故而學業益精人多從之遊試銓曹第一授吏部司務轉驗封司員外郎擢江西左參議提督糧儲精筭法吏不能售其奸寧藩欲增祿米之直皞執不可同鄉李儀賓來嚇皞曰王已草奏布政林洋以下且斬皞徐應曰彼何與焉第斬吾一人足矣欲据撫其私竟不可正德二年劉瑾用事裁革管糧官報至皞不色動治裝行李蕭然家居二年復以舊職起之尋擢雲南左參政管內多土官茶甸長官沙福者婦人也與其叔普顯治兵相攻皞單車往諭以禍福卒平其怨

而歸

粵大記

安南長官那代攻破蒙自縣負固二紀

皞調餉練兵將攻之酋遽讐服歸所俘由是威震

六詔巨璫崔安忌皞功語侵之皞不能平聲色俱

厲安媿屈連呼鐵漢吏民因稱鐵漢公

南海志

致仕

卒年七十三

戴志

子學裘正德丙子鄉薦祀龍溪名

宦學準最著字本平正德己卯鄉薦岢州學正遷

知潛江忤中官與治兵使者故淮安教授擢南助

教判潯州署桂平縣清約自持既歸潛心典籍何

維柏雅重之著有朱岢湖南淮南畱都西潯家園

諸稿咏史諸詩鶴齡與學準同科學矩嘉靖壬午

延年與學矩同科皆舉於鄉延年領首解孫潛學

準子隆慶丁卯溥嘉靖乙酉相繼鄉薦溥南寧府

同知

粵大記

黎暹字景升順德人穎博能文成化乙酉領鄉薦
卒業監嘗爲祭酒邱濬所稱授金華府同知當
道有述作必出暹手罷歸構羅江書院吟嘯其中
凡頌德勒功哀誄銘表之文人多求之一時薦紳
皆推遜以爲莫及有求誌生壙者以腴田百畝爲
壽誌成竟返其券垂老命工像其貌于書院又自
誌其墓其曠達如此有草庭藁藏于家黃志
范勉字彥勤東莞人成化乙酉舉人宏治間知泰
順志行廉謹教養士民人仰其德設縣未久諸所

修葺規制煥然一新

浙江通志

余統字承之新會人成化丙戌進士授行人遷南京監察御史疏乞均用材抑奔競糴陳糧併殘伍禁宿弊修國學前後疏數千言皆切時政有奉使者寄孥而行統避居僧舍俟其使還乃偕入其持操類此卒於官

郝志

何珖順德人成化戊子鄉薦乙未進士知桐廬縣立三限催科之期禁吏卒下鄉之擾剖決如流悉中理法吏不敢奸百姓安堵閱四載以才行超卓

擢監察御史

浙江通志

謹案順德志云官參政又南海志云爲梧

州知府平易近人民不忍欺但載鄉科戊

子不書會科何也

鄧應仁字子榮南海人少耽經籍入邑學有文名
成化辛卯領首薦辛丑登進士授浦城知縣爲政
愷悌不事表暴宏治二年處州賊竊發遠近騷動
應仁拒戰賊遁去邑賴安堵尋陞南京禮部主事
歷戶部郎中宏治末出守南安廉靜寡慾政尙平
恕在任數年惟携一家僮自隨燕處陶然門無私
謁旣去民大失望至有肖像祀其家者

江西通志

袁仕鳳

題名碑東莞志作士鳳

字彥祥東莞人成化辛卯鄉

薦乙未進士初授江西廣昌縣廉介風厲摘伏如

神扶弱鋤強奸黨爲之禡魄寧都人有侵漁者歛迹而去民歌之曰袁大宰真男子鋤擊豪強貧撫字吾今求取古人中惟有董宣能似此撫按以其才堪治劇保知萬安縣民聞風畏之及視事愛民如子惟恐或傷薄於自奉而厚以恤民其視廣昌政體微不同蓋寬猛之宜也期年吏部行取至京當得科道以無內援乃陟都察院都事尋卒于官喪經萬安民爭祭賻之舟至不能容

廣州人
物傳

祀廣

昌萬安二縣名宦東莞鄉賢

東莞志

熊季芳南海人成化辛卯經魁甲辰進士

榜姓
楊

授

直隸池州府東流令秉德剛方爲政簡易抑強振

弱吏憚民懷招撫流移復業者一百四十二戶出

俸贖還饑民子女十有七人邑人德之擢九江府

同知甫期月丁外艱服闋以終養母卒於家年九

十有六兄孟芳

字景春

天順元年丁丑進士官戶部

主事仲芳子一源宏治乙卯鄉薦官郎中一瑛宏

治戊午鄉薦己未進士累官副都御史大理寺卿

黃志

巡撫貴州時嘗題請開科廣額以平寇功蔭子

廷翰太學生曾孫九疇嘉靖甲子舉于鄉

南海志

梁魚順德人字克龍成化辛卯舉人知平樂縣平

樂縣小役煩魚至比籍均役草田之賦蠲之尤善

撫猺獠治甚有聲遷賓州知州思恩土官岑濬爲

逆奉檄往諭濬進兼金不受也後爲部使者所斥

遂拂衣歸使者愧謝留之不可賓民思之

粵大記

吳璉字美中南海人成化甲午鄉薦甲辰進士授

直隸含山知縣廉潔專務以德化民值年荒多方

賑救作粥糜以餉流移前後所活盈萬政暇授生

徒以周易踰年以憂去任士民如失慈母起復知

進賢縣以守正不合引病歸後以子貴封南京戶

部署員外郎加正四品服卒年八十餘

黃志

子允禎

字天祐登宏治壬戌進士歷戶部郎中出知永州

府愷悌寬仁涖官清儉興學造士不科擾於民民

有弗率者委曲訓諭不事刑罰厯廣西參政祀永

州名宦

郭志

允祿字天申號九巖舉嘉靖癸未進士

性馴雅守繩墨恂恂如也授武選主事時逆瑾熏灼之後允祿不踰月削籍者一千六百餘員中官谷大用張永輩誣奏允祿下詔獄已而事白復原官以賢調吏部稽勲主事晉文選員外郎驗封郎中是時權歸執政諸郎署共爲洿浚以相浮沈允祿卽力請外補出爲湖廣參政時楚大饑允祿請發倉以賑全活數十萬家轉按察使先有儀賓十惡之獄六年弗決允祿竟辨其誣楚王德焉壽以千金卻之丰裁凜然大木之役處置得其宜有白金文綺之賜至是凡七入薦剡銓部一擬光祿卿

再擬布政使俱不報歲己亥聖駕南巡允祿與布政使徐乾預備有方天顏甚悅時導駕胡御史守中者儉人也貪索不滿其欲遂中傷允祿竟不辯而歸人皆服其長者既歸而守中被戮事益曰名益顯直指姚祿以廉明介節薦于朝已病篤不待矣時稱湖湘兩介士謂徐兩溪吳九巖也說者謂九巖尤挺嶢然之操云

粵大記

允裕字天和少穎異

博極羣書嘉靖元年壬午舉於鄉父璉卒哭泣病日夢神授以方如法治之愈謁選爲浙象山令邑故無城虎狼晝噬蒞政兩月擒三虎患遂息比厲疫大作北面焚香籲天疫弗爲害改知湖廣東安